



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vindex Libertatis Ecclesiasticae || Et Martyr || S.
Engelbertvs || Archiepiscopus Co-||loniensiſ Princeps ||
Elector, &c.**

Gelenius, Aegidius

Coloniae Agrippinae, 1633

Ad Henricvm Coloniensem, Archiepiscopum, Sancti Engelberti
Successorem.

urn:nbn:de:hbz:466:1-9728

A ~~scribitur~~

AD HENRICVM COLONIENSEM

Archiepiscopum, Sancti Engelberti Successorem.

F. Cæsarius Heisterbacensis.



EVERENDO Domino suo Henrico, sanctæ Colonienſis 7. Nouem. Ecclesiæ Archiepiscopo, frater Cæsarius, numero, non Martyrol. merito, monachus in Valle S. Petri, cum deuotis oratio- Roman. nibus paratam ad obsequia voluntatem. Excellentie vestræ præcepto obediens, vitam, actus, passionē & miracu-

la Beatæ memoriæ Domini ENGELBERTI prædecessoris vestri, nõ quomodo debui, sed quomodo potui, scripto commendauit: hoc optans, hoc orans, vt Deo eiusque Martyri esse possint accepta, vobis & Ecclesiæ vestræ grata, posterisque necessaria. Considerans materiæ dignitatem, non sine timore ad iniuncta obediui, cum propter scientiæ insufficientiam, tum propter linguas detrahentium. Sciens enim scriptum, quasi peccatum ariolandi est, repugnare: & quasi scelus Idololatriæ, 1. Reg. 15.

C nolle acquiescere: malui minus dignè scribendo confusionem sustinere, quàm non obedire. Quod si alij viri literati, quorum in Diocesi vestra copia esse dinoscitur, post me scripserint excellentius, non illis inuideo, imò gloriæ Martyris congaudeo. Non enim meæ professionis est, etiamsi scientia adesset, in historia simplici verborum phaleras quærere, & floribus rethoricis sententias purpurare, quod non monachorum, sed philosophorum est, qui magis ad ostentationem scientiæ, quàm ad ædificationem morum loquuntur, secundum quod quidam ait.

Purpureus, latè qui splendeat vnus & alter

Assuitur pannus.

Hor. in arte poet.

D. VNDE oratoriæ iucunditatis dulcedinem, & persuasibilis eloquij venustatem minus vtilem contemnens, Beati Martyris actus & mortem stylo simplici profecutus sum, in textus defloratione magis diuinæ scripturæ testimonijs, quàm dictis vtens philosophicis. Vestrum est, cui Dominus scientiam contulit, apponere lineam correctionis, ita vt vestro iudicio superflua refecentur, neglecta suppleantur, mutanda mutantur. Quapropter supplico Beatitudini Vestræ, vt quæ vestrâ iussione non mea præsumptione, per ministerium meum ad laudem Martyris conscripta sunt, nisi iure reprobari debeant, quod absit, benedictione vestra roborentur, autoritate perpetuentur.

A 2

NO.